

華資工廠調查錄

(梅訪專)

(九十四) 藝興機器廠

實業之興、首仗機器、工廠愈多、則機器之需求愈亟、歐美各國日言援助中國工業、其實不過為其本國之機器推銷耳、我國機械學之人材缺乏、固無可諱言、故機器之製造、只靠舶來、因而一廠出品之利、無形中遂與外人共之、良堪浩嘆、近年有志之士、憑其經驗、製造各種舶來機器、以推銷本國、亦極能挽回一部份之利權、藝興機器廠、即其中之一也、查該廠成立於二十餘年以前、專以做製各式印刷機為事、所出之件、堅久

耐用、實與舶來者無異、而價格之平、則一與六之比、即舶來一機需一千六百餘元者、在該廠做製則四百餘元、便能出貨、因此極得各地人士之樂購、其銷路遠及暹羅及馬來群島一帶、內地則如廣西江西廣州廈門汕頭各地亦多來單定造、現計有工人六十餘人、每人每月可得三四十元不等、廠供膳宿、營業狀況、年約六萬餘元、因屬私人資本、故額數不詳、然以其廠中生財估之、為值當逾鉅萬也、言及本業、該廠龍唐兩君對

本國機械人材之缺乏頗具悲觀、據謂從事本國機器工業者、類多由田間來、自學師以至獨立、一本耳目之聰鈍、以為造就之標準、求其能了了於本國文者、已不數觀、遑論英語、故機械學在世界現已進步至若何程度、於彼等固茫然不知、而欲其對本國機器界有若何之貢獻、是誠笑話、本國工業之不振、此為一極大之原因云、記者謂近年不少留學外國得機器科博士學士之人回國、……此兩位經驗家笑謂此則非其所論之機器學家云、